



Stanovnici Lješeva, Ilijaša, ali i šire okoline će se još jednom podsjetiti na strahovit zločin nad nevinim civilima Lješeva koji su mučki strijeljani 05. juna 1992. godine na godišnjici obilježavanja tužnog događaja . Tog dana su, ničim izazvani, prve komšije Srbi, pred njihovim domovima ubili 22 stanovnika Lješeva i tu ih danima ostavili nesahranjene, dok su pored njihovih tijela odnosili opljačkane stvari iz kuća, koje su potom zapalili. Tek nekoliko dana kasnije ubijene su sahranili u masovnu grobnicu, odakle su ekshumirani tačno na datum stradanja, 05. juna 1996. godine i dostojno sahranjeni u mjesnom mezarju. Iako su poznata imena počinioaca ovog zlodjela, ni 19 godina poslije niko od zločinaca nije priveden pravdi i procesuiran.

Dostojanstveno, kao i svih prethodnih godina Ilijašani će i ove godine obilježiti ovaj datum, tako što će organizator, MZ Lješevu upriličiti niz prigodnih sadržaja. Manifestacija će započeti u subotu, 04. juna, malonogometnim turnirom za djecu koji će početi u 14:30, a nastaviće se kod Spomen obilježja u 19:00 sati kada će biti promocija knjige "Kad bi kosti mogle govoriti", autora prof. Saliha Smajlovića. Na istom mjestu će se u 20 sati prikazati i dokumentarni film Avde Huseinovića "Vanzemaljci iznad Sarajeva".

Centralni događaj biće u nedjelju u 10:30 održavanjem prigodnog programa, nakon čega će se na mezarju proučiti fatiha i odati počast stradalim žrtvama masakra. [Preuzeto sa www.ilijas.ba](http://www.ilijas.ba)